



柯齋選稿

雲間周綸鷹垂氏著



七言律詩

答吳六益

高士幽居背郭開，只餘一徑闢蒿萊。
坐看春色穠花放，臥聽秋聲落木哀。
戶外諸峯相對出，門前曲水自縈回。
陶然載酒狂歌處，醉後題詩取次裁。

送許天玉下第歸閩

同人永日共沉吟，短髮憐君歲月侵。
忍使牛衣長作

伴誰言鷄肋不爲心蕭蕭故國空歸去寂寂知音自
古今莫走黃金臺下路卽看送別淚沾襟

八月十五夜沈繹堂先生席賦

高秋風物倍淒清露洗空天聽鴈聲佳節不從愁外
度中宵同對月華明黃金賣賦身仍困白社隨人意
自傾且向樽前飛逸興百壺那禁淚交纓

上施愚山先生

仙郎詞藻擅應劉此日才名滿帝州故里乍來青雀
舫守官還臥白雲樓相逢意氣多傾蓋獨愧生涯着

敝裘歲晚秋風正搖落幾回握管不勝愁

九日同六益智先登毘盧閣

高閣何年傳勝地我徒此日重徘徊浮雲欲捲千峰
合倒景橫空一鴈來宮闕自看晴照耀樓臺不改舊
崔嵬只今令節同尊酒無那關心歲序催

感興

慷慨論交道路中一時送別各西東只看鉛槧輕揚
子獨有軒車識仲翁書札天邊憑候鴈歲華客舍又
春風遙傳舊侶能相憶多恐知音未易同

送人入都

徙倚江亭送夕暉，征塵滿目舊交稀。
只今聖主虛前席，轉覺儒生厭布衣。
春草再逢人北去，秋風應見鴈南飛。
招尋剩有松筠在三徑，蕭條是亦非。

釣臺

漢代空傳處士名，嚴陵遺址尚崢嶸。
却看山色經秋老，坐向江流映晚晴。
寂寂藤蘿人不到，陰陰栝柏鳥和鳴。
風塵白首須臾改，百尺高臺物外情。

城垣

崔嵬高閣俯城垣，每日登臨畫角喧。
碧樹千重圍野寺，青山一帶出郊原。
風塵西北音書絕，離亂東南天地昏。
豈有浮名容我輩，強將人事屬丘園。

上巳讌集峽文蓉壑樓賦別

最憶蘭亭脩禊時，永和三日共題詩。
相逢淑景樽前盡，坐久春雲檻外移。
花影參差歌白紵，柳絲宛轉度黃鸝。
隔年上巳曾爲客，惆悵來朝又別離。

近聞

近聞兵阻錢唐口，鄉國扁舟繫水濱。
照影疎燈愁獨

立傍城画角夜傷神夢回山色青如故覺後江流綠
自新只爲浪遊多寂寞錯教離別一沾巾
不見
同人一別信俱稀况爾颺零百慮違不見遼東新皂
帽那堪江左舊烏衣交情異地均埋照世亂無家感
式微爲待還歸丁令鶴何年却傍故園飛

憶度嶺

萬丈懸崖行轉東蒼茫幾度身凌空仰視紅日一天
近俯看黑烟殘落中澗響直疑蛟龍窟徑回更愁虎

豹宮獨攜詩卷滯甌越故園漫漫今途窮

家君郡齋李首愚阮永叔張中岳諸子送別

蕭颯秋聲絕嘯來暫時相送共徘徊一身白社論文
友九月黃花濁酒杯吳越弟兄離緒遠江湖風雨客
心催卽今堅坐愁應別况復登臨首重回

懷吳漢槎

汝承嚴譴去遼東萬里蕭條泣路窮投分弟兄形影
外故鄉景物夢魂中紅顏共老龍沙月白首同披毳
幘風不學虞卿空怨別幾回日極嘆飄蓬

懷陳五搗謙

元龍豪氣舊堪誇一別虛疑博望槎不見故人愁出
塞幾時綵服共還家相逢每醉旗亭酒攜手嘗看輦
路花回首燕京君更遠絕憐直北暮雲遮

過于忠肅墓

先生埋骨空山裏就命當年恨有餘那辨市朝移白
日寧論榛棘覆玄廬山河不共微軀裂天壤徒令壯
志舒過此褰裳還一拜夕陽繫馬漫躊躇

曉過釣臺

晨發長吟思未闌遠行誰念客衣寒一帆曉月衝波
上四面春山入畫看搔首釣臺高縹緲聳身天宇悵
盤桓須知無限登臨興却愧扁舟去住難

瀨泊

絕壁懸蘿未易攀牽舟疑是叩天關陰陰日落玄熊
嘯菽菽風回赤豹閒古渡荒涼深澗曲人煙明滅翠
微間飄飄遠道嘗凌險幾度淹畱愴客顏

赤壁灘面仙桃山

高峯面面白雲凝裂石橫江勢欲崩絕頂吹笙懷子

晉半空清嘯憶孫登坐看積翠波相映行傍危灘水
自澄舊羨綏山桃實貴岩崑此地果難升

梧州咏懷往蹟八首

白雲山勢千盤上路入清霄萬嶺低古木徑疑龍虎
伏脩篁似有鳳凰栖大唐嘗記真師蹟慧日無憂法
侶迷身近諸天憑濟勝暫時回首果難躋

又

南明突兀瞰州城想像群仙下玉京途有葛洪來頓
策至今丹井據爲名炎雲翳日沉朱李素縷流泉濯

翠纓欲笑漢皇餐墜露微涓何似渴金莖

又

仙峯合沓翠屏幽乘躋徘徊最上頭段守昔年傳異
政惡溪今日竟安流不愁水恠飛涎疾那更燃犀照
影稠千折此中堪擊汰幾時篔簹一藏舟

又

謝客風流出世才一官嘗欲遠塵埃石門有待朱軒
闢飛瀑紛疑白鶴來躡屐幾回尋嶺嶠披圖直似隔
蓬萊閒居漫擬天台賦多愧興公未易裁

又

夫子當年竟陸沉千秋祠廟蕭陰陰李繁創宇風巖
郡韓愈題碑發藻心繕治更煩今太守蒸嘗遠列舊
儒林明經未必無高位尙想雍容耻翰音

又

李邕文采倍堪師出守山城昔在茲刺史自矜名世
筆仙家真羨攝菟碑虛無遺事長千古琬琰詞塲擅
一時葉氏舊墳荒徑裏至今銘誌邈難知

又

誠意勛標帝者師到今桑梓葺荒祠身經往代紆青
紫志向興王壯羽儀三顧竟成炎祚業封留不負赤
松期飄然初服還丹嶂一德君臣實夢思

又

松陽巖邑勢崔嵬貞女祠堂翦草萊鸚鵡竟隨同日
殞鳳凰虛擬築爲臺淡嫌交甫江濱值難羨羅敷陌
上來皎潔寒潭殊足似柏舟遺咏最堪哀

同繡湄牧吉安士景脩飲寶汾齋

別來一百四十日對面渾如相憶時好友漫嗟同獲

落窮交翻幸得追隨興酣盡貰壚頭酒在劇高吟案
上詩痛飲嚴城忘漏近欲教涼月照人遲

懷智先作令岑溪

嗟君垂老適南荒地屬蒼梧路渺茫豈爲一官淹驥
足却從百里望鵝行人家瘴雨迷春晝縣舍炎風濕
午墻莫傲丹砂勾漏近好將歸棹釣滄浪

懷董大少楹戲爲錢劉體

與君相別恨相牽每憶當時話別筵橫笛一聲殘照
裏塞鴻無數晚風前欲從岩畔嘗攜手頻指灘頭好

泛船獨有高齋窓際月伴人同是影娟娟

哭宮兒

羸博牽愁未易刪情鍾我輩淚潺湲竟依繡襪知何
在夢遶黃壚豈再還當戶落梅空滿眼捲簾晴雪半
銜山朋來莫話童易事腸斷桑中李氏鏤

奉簡張帶三先生

凌雲詞賦漢時雄漢殿晨趨想像中一出闔天方攬
轡廿年吳市老編蓬樓心紺宇看馴鴿學圃青門笑
弋鴻最是荀龍才總健會應長醉百花叢

與旣庭

問君習隱竟何如寂寂真同揚子居憶在長安共文
酒幾年於越只音書天教白社淹名士人戀青山懶
曳裾我亦近忘榮與辱儒冠老却笑吹噓

負郭

炎雲翳日覆江城負郭差如谷口耕一歲陰晴勤握
粟百年憂患在呼庚卽看兒女增吾老頓覺風塵損
世情輸得官租遺俗累悠然此外悟無生

雨

閏月計晴二十日新秋苦熱廢高吟何緣南陌隨車
雨得慰東菑望歲心趁水野鳧飛自慣衝波鳥鬼沒
還淡憑欄極目情無限且臥桃笙面綠陰

七夕有感寄季友

忽憶去年今夜月與君同醉赤山秋那知天上雙星
會不散人間萬斛愁牢落風塵看失馬蒼茫雲漢話
牽牛乘槎欲泛河源隔無事重封博望侯

傷柔嘉

陳生一別十經秋遼海吳山道阻修蕉鹿夢回真是

幻茅龍仙去竟何愁文章事業終黄土骨月形骸痛
白頭與爾弟兄投分蚤舊遊腸斷古營州

九日晤安士豫章嘉樹玉樹蕭寺

秋風木落雁南來野寺禪扉靜晝開磊砢元龍還自
命蕭條戲馬總堪哀關心令節淹蓬鬢過眼浮雲且
舊醅狂劇短歌無一事白衣黃菊漫遲回

奉寄伯衡叔

淇州極日二千里燕市相違八九年每憶問奇親几
席那知懷刺隔雲烟夕郎封事回天後開府功名作

牧先近得南枝淡獎誨題詩寄與愧難前

送杜方叔

孟冬雨雪送征鞍久客從教別緒難歷世風塵心計
拙向人氣岸酒杯寬章臺花發空搔首谷水潮回獨
釣竿君去好傳鴻雁字舊遊一一報平安

不見

不見陳生已十年近來問訊總茫然詩成豪氣還應
在老去雄篇莫漫傳絕塞幾更新歲月故鄉好憶舊
山川遼陽城北遙回首知爾悲秋劇可憐

君山

春申遺像肅松楸憑吊無端纜客舟東去滄溟元氣
合西來江漢極天流孤城突兀浮青黛遠岸叅差起
白鷗空老一身湖海上茫茫千載不勝愁

任祖商旅中雜感十首丁酉秋試後作也卽事
次韻示其師李首愚用元白體

幾年不得故人書我亦荒山懶曳裾身老自誇詩句
健愁來無奈酒杯初翅殘鷹隼飛難度望斷雲霄夢
轉虛且與達觀朋舊在逃陽繭足漫欷歔

又

問余何在葯爲房別有靈修惹恨長每事蹉跎儒氣
象幾番顛倒嫁衣裳齋心且祝身將隱避跡無愁艾
欲張一自五更文戰後宜歌宜哭九回腸

又

別來幾易歲華新尙想同遊混主賓君自萬峯能蠟
展我從三泖却投綸心隨道路挪揄慣目厭門庭慰
勞頻漫說敬通長覓抵可堪俱是老風塵

又

先我何愁祖逖鞭近曾解脫又悽然病來世事成千
嶂老去儒冠讓一錢無分雄心還起舞有時殘夢亦
孤眠稍聞舊侶能相憶不及當杯第二泉
又
端居寂寂竟誰思囊粟何知臣朔飢通籍便同金馬
貴無官那說土牛遲已拚白日成過隙豈意青冥更
遠期僕本恨人披恨賦荒烟宿草不勝悲

寄肩氏穀梁青若

天下知交有數公羨君兄弟重江東親承鶴髮詩逾

健材製龍門曲倍工已慣南轅謀北轍誰從身隱識
囊空好知阮籍耽沉醉不獨今朝泣路窮

寄陳其年

陳生傾蓋十年餘到眼詞人總不如天地悠悠雙鬢
改江湖渺渺一尊虛每從獻玉交遊在便賦停雲問
訊疎病後慎須資藥餌朔風珍重爲愁余

送楊長公歸長沙

楊子扁舟纜水濱周生送別爲傷神乍逢楚澤悲秋
客等是荆山泣玉人歸計江湖真浩蕩倦遊詞賦且

風塵知君苦憶趨庭日一歎攀髯淚滿巾
誰憐三五春風夜獨坐篷窓有所思挂席儘宜家漸
近舉杯况對月如規高堂燈火疑晴晝繞膝歡娛嘆
路岐力養只今無一事蹉跎鬢髮淚雙垂
一室居然侍絳紗樂公千載未全誇夢違東閣看人
達興到南枝拂鬢斜學呼黃鸝淡得樹掠魚翠鳥故
穿花春來展齒頻應折獨擁青氈感歲華

又

鳥皮几在隱窓紗蹭蹬年來敢自誇三徑苔痕迎雨
潤一簾梅萼受風斜從教綠醕催淡酌起看青衣護
落花放眼乾坤還此日幾人龍劍待張華

漫興

晚雲和雨度亭臯吟眺移時引濁醪人事乾坤雙白
眼生涯涕淚一綈袍交遊向自尊龍腹通籍差應哂
馬曹落落江潭憔悴客十季回首夢龜勞

又

望邊蜀柳又如絲起傍溪頭倒玉卮無數啼鶯春歷
亂幾行浴鷺晚參差孤峯突兀橫雲秀野渡蒼涼返
照遲長嘯垂綸且歸去尋陽漁父足吾師
漁磯亦知王貢深相托殘客今來曉是非

霽夜次季友韻同子武卽席

雪殘月白澹寒宵絳燭青尊破寂寥龍氣一時雙劍
在天門萬里獨身遙風光短鬢看流水踪跡長鏡混
野樵才地烏衣輸仲季健飛鷹隼且摩霄

答子武季友

愛汝讀書池館靜一簾新碧漾春波絲絲弱柳聽黃
鳥面面飛花點綠菰按劍尙餘他日淚曼聲強作向
時歌持梁躍馬看人幻欲訊江潭穩釣筭

柯齋選稿

雲間周綸鷹垂氏著

七言律詩

侍家大人遊上天竺

層巒疊嶂轟雲霄
下界金繩入望遙
見說法輪長日
轉劇從遊屐得春
饒新篁過雨欹香
閣高柳牽風拂
翠翹避跡誅茅真
羨此夕陽殘影下
山腰

送蒼水之武林

孤山處士有遺蹤
蠟屐無如此過從
到面亂峰臨畫

閣背人野鶴落長松湖光滉瀟窓前逼遊伎紛披陌
上逢最是長卿詞賦擅莫教車騎動臨邛

答季友見懷山居之作次來韵

得眠山閣對層巒面面朱闌俯碧湍到日夏雲清晝
合常時暮雨逼窓寒身名早覺生前誤禮數從教物
外寬萬卷百城誰校論臨淵無計把魚竿

贈金遠及表弟

似爾身誇七尺強少年夙昔盛文章抽毫本意雄壇
坵問世何妨事拍張清晝好調紅叱撥秋風休臥綠

沈槍一冠潦倒爲儒誤却羨兜鍪影日光

觀廉兒學詩口占

汝從十一吟詩句轉憶裁詩十五時握管敢誇鸚鵡
賦致身漫擬鳳凰池蹉跎歲月雙蓬鬢俯仰乾坤一
酒卮素業好憑繩武力吾衰心事竟誰知

金華季休文陳仲胤江上趙在茲同携酒邀登

君山觀潮

君山峭立瞰江湖山寺憑闌入望遙峽束浪花標衆
壑天圍岸影接層霄驚心晚蠶真龍下謁帝虛無海

若朝人世浮漚同一瞬放懷淡喜百壺邀
江上趙漸茲所居書樓成酌余其上屬爲之題
趙氏書樓始落成坐余淡酌爲君傾地連闔闐雕欄
聳天接城垣畫棟平到面常浮高嶺翠側身時聽遠
江聲峻嶒百尺堪遺俗湖海茫茫動旅情

九日江陰城遠眺

三十三山與半山

城外三十三山環繞又顧山與常熟接故土人稱爲三十三山半

望中羅立似雲鬟城頭客醉斜陽影空外霜催木葉
斑嘹唳塞鴻驚旅思蕭疎籬菊照愁顏故園此日登

高去好念天涯久未還

漫興八首

今上時巡耀卽戎太阿瞻仰萬方同宵衣欲習昆明
陣神武還誇羽獵雄雷駭川原蒼鹿駐風橫霄漢皂
雕空六龍親幸祈息澤願賜秋租禹甸中

又

世祖長驅入漢關爲敷雨露徹人寰獨將文命開三
統更喜森威震百蠻無路得瞻天宇近有心同仰帝
圖艱又新皇一德重華日詔語編年供奉班

授鉞真推異姓王頻年詔討不庭方盡驅蠶戶歸聲
教豈事鮫人稅夜光徵調每煩籌禁旅轉輸浚見發
天倉又至尊南顧烽烟靖稍減臨邊甲冑裝

承露金莖想像中鳳池青瑣杳難通欲看天路趨蹌
入無分宮花爛熳同恩溢曲江嘗詔下身憐逢掖竟
途窮扶搖九萬長搔首莫爲圖南與便風

東南民力久凋殘大將橫行轉餉難絲織寒機刀尺
賸麥收春壟檄書攢越裳本意通王貢吳會翻嗟竭
縣官幸喜天言征繕息陽回黍谷一加餐

又
瀕海先年厭鼓鼙看花無徑只蒿藜戶遷上下成甌
脫邑有災傷竭裊蹄召父政稀官似寄蕭娘威損意
都迷得今耀武遊魂遁任學山公醉似泥

又
秋殘江上冷芙蓉匝月江天又肇冬人事邐迥驚歲

晏交情淡淡問吳儂
徤尋山徑寒烟豁
獨禮空王慧日重
我有草堂歸計遠
不須纓組讓周顒

又

當年二陸風流遠
宅近青山尙有名
曠世才華歸伯仲
異時馮弔自崢嶸
天寒松柏凌雲秀
地僻祠堂閉日明
却謝抽毫詞賦客
好聞鶴唳若爲情

漫題做晚體

客愁應用酒能降
無事書空倒玉缸
遶戶愛花香細細
褰幃留燭影雙雙
數聲鴈叫腸千轉
三匝烏飛月

一江計日飭裝裝
未得幾回詩句凭
南窓

稍喜

稍喜韓家舊亭榭
客中岑寂日能來
一雙青眼向誰好
無數黃花相爲開
已聞官長能攜致
剩與賓朋合舉杯
時序不堪回首計
朔風殘照重徘徊

寄懷子武季友

舍南舍北山圍翠
三徑曾招二仲來
不謂挂帆江水濶
却同失侶鴈飛哀
園紅夢斷秋先老
湛綠擎時醉幾回
萬一故人遙見憶
欲歸歸未客愁催

憶舍弟十經
不眠寒峭挑燈坐憶弟
唵成漏漸闌把盞有愁誰禁
得放懷無地却教寬身閒
湖海漂萍轉夢去晨昏遠
道難秋半出門冬尚客
向人書劍強爲歡

舟行望家園
比來在客不知貧
無着風光轉眼新
歸路喜看家漸近
縣租先恐吏能嗔
林稀葉落孤村得水急
潮生遠岫親今日燈前還盡醉
百年笑問幾間身

歸山園檢校

一別草堂三閱月
我來還爲滌榛蕪
畦丁入肆求清酒
隣叟迎前餉白菰
斟酌軒楹斜放竹
躊躇門徑曲
侵湖置身便欲長
丘壑名在干溪舊釣徒

子武季友西園小集同霍南限韵

秋江獨客賦歸難
重到高齋歲已殘
霜葉着衣黃欲染
雲陰排檻碧逾寒
世情老覺風塵薄
交態深知天地寬
契濶比來長記憶
淹畱強似夢中看

次韵答季友

別君我欲長饒老
鄙賤何言應少微
計拙最憐青鬢

短身閒賸對白雲飛池魚狎客能辭釣村釀醺人總
息機五柳向凋三徑闢題詩慎勿嶺頭稀

奉次家大人韵贈董神南

尙憶客冬良晏會酌余大阮一傳觴相逢莫報瑤華
贈老去貪攀琥珀光詩卷漫題消永晝愁懷長自立
斜陽避炎近得移居在暑賦還期過草堂

立秋日南樓同仲榮斐章爰楫限韵

快意看山任嘯歌山家無事翫庭柯雨餘禾黍綠堪
染風定芙蓉艷較多好景會須詩句得世情一任酒

顏陀坐中莫漫天涯淚摧落依然似客何

曉望天馬山次斐章韵

水檻臨風聳碧岑坐來草閣變晴陰忽看朝爽澄林
木絕愛山光自古今把臂便爲文酒契論交誰識歲
寒心期君投老干將麓能到愚公徑自深

詒山居同志

仲蔚幽居迥絕塵蓬蒿無恙亦吾真漫誇紫貝能蠲
疾自愛青山老向人漉酒便思招近局論詩且復許
比隣由來二陸風流地轉覺前賢若有神

岱嶽

層巒疊嶂劃爭開，矗立天孫瞰八垓。
越觀近疑吳練接，海門夜湧日華來。
盤旋鶴鶴秦松外，照耀星辰帝座隈。
自昔東封誇望幸，太平父老頌春臺。

客中贈胡次史

谷口相期鄒子真，藏名猶是涉風塵。
客來秦嶺淹三月，夢老吳關又一春。
起舞雄心還倚劍，談天宿學轉長貧。
看君笑我儒冠在，潦倒燈前欲怵神。

奉寄夏敬浮先生時按河東

憶昨燕山春色暮，杏花深處醉瓊筵。
玉驄一送天邊別，白簡爭看日下傳。
北顧大河襟帶裏，西來華嶽酒杯前。
太平只在澄清力，攬轡從容報稱偏。

張禮存素存兩太史，招同章素文徐孚若彥和。
張穆文飲占謝

御堤楊柳碧參天，金馬朝回望若仙。
視草玉堂聯棣萼，揮毫金谷爛雲烟。
同遊尚憶窮交日，彈指真成厄閏年。
才地只今誇絕勝，幾回泥飲媿難前。

同沈劭六秦方回王后張季友顧受周姚赤城

赴施硯山先生席賦謝

布衣重染 帝京豈好士深慙折簡頻赤棒天街真
御史青箱家學舊詞人顧余絕類羊公鶴有客同誇
卞氏珍今日向君門下別清時會見啓平津

出都門賦別后張

嗟君六載薊門秋壯志徒爲幸舍畱不信家丘嘗倩
客坐令王粲獨登樓天心老我真同病世態看人笑
倦遊此去高堂如問訊敢將書劍動離憂

天津夜泊次季友韻

搖落悲秋擬問天夜鐘岑寂纜行船銀河無路看垂
盡璧月長空照自圓京洛弟兄憑短札鄉園風物憶
殘季津門一線通瀛海遮莫仙山隔暮烟

雪後同季友放舟山園季友先得八首卽次其
韻和之

同遊錯憶舊金臺戢翼依然谷口來壯志自嗟雙鬢
改愁懷且對一樽開崢嶸到眼唯青嶂寥落迎人只
綠苔近欲達觀身世外遲君終見軼羣才

又

叢桂向栽招隱賦探梅今喜到池亭昏鴉巡雪衝虛
檻獨鶴盤雲下杳冥三徑照時兼夜白一峯晴處豁
天青梁園欲賦誇誰擅擬向朱門耻乞靈
又
閒來衲褐巖牕下無事塵氛地轉幽雨歇蘚痕侵展
嫩風回花影逼簾浮飲醇我便師公瑾乘興君還過
子猷嘯咏移時天宇濶忽思人在玉京遊

又

一曲滄浪日夜清投竿爲愛鱖魚羹相邀把釃宵淡
坐總覺論詩眼倍明無恙故鄉聞唳鶴有時審櫺聽
啼鶯輒坤爾我同蕭瑟景物逢春且繫情

又

不嫌客到無兼味肯爲村醪酌滿卮鷄黍交情踪跡
在雲霄朋舊歲寒移花枝小醉看逾艷雪嶺當軒散
欲遲咄咄書空綠底事高歌人是畫中詩

又

我有松筠俯碧潯與君把臂入寒林向時遊宴誇金
谷此日忘機學漢陰山靜自成高下勢杯停殊費短

長唸庭趨嚴父歸田蚤祿養從容媿至今

又

貪看山色立柴門幾縷荒烟尙一村我已誅茅甘匿
影君還按劍欲消魂百年身世醒仍醉匝月陰霾晝
自昏倘許避喧來駐此多應二仲倒芳樽

不歎又

機雲詞藻實堪師舊隱巖阿枕曲池處仲未消千里
志伯鸞只詠五噫詩燒殘筆硯還隨俗蹭蹬風塵合
自知彈指十年成濩落對君竟夕起遙思

屈遠過別北行

秋風鍛羽共南旋送爾臨岐倍黯然此去鄉關三載
別向來愁緒一罇前儒生旅食閒看劍輦邑才名近
問天笑憶舊遊多蚤達漫將車笠話當年

鄒氏問松廊爲連城題贈

主人幽寄卽深山石徑看松靜掩關勢作遠峯春雨
暗聲疑大壑夜潮還高枝閃日虬龍走翠蓋翔空鶴
鶴閒我昔驅車東岱過秦封千尺媿塵顏

五日同王子顯士季友邀宋荔裳先生分得寒

字

宋公風雅舊登壇座客揮毫覺思寬躡屐草侵三徑
濕捲簾雲壓九峯寒翠眉欲斂鶯聲轉蓮漏徐教鳳
蠟殘獻賦十年同放逐歡醕今日異悲歡

秦子方回書至有感作

帝京回首鬱雲霄尺素能傳慰寂寥夏伏筆牀同永
晝秋深祖席對涼宵一身多病思鄉切六載承顏入
夢遙終古愛才誰得似黃金臺畔草蕭蕭

夢遊山園

宿雨兼旬長薜蘿舊山髣髴暮州和花當曲徑鋪茵
密身爲繁枝命侶多時有勝情雙屐在非無好事一
罇過結廬人境何能爾千載陶公任嘯歌

舟行

匝月愁霖纔見日津途晴色竟吾慳挂帆驚避新沙
岸進艇全迷舊石灣垂盡爨煙圍白水乍飛浴鷺點
青山蠲租屢沐恩綸下多恐爲魚版築艱

山園偶成

三十浮名一腐儒明時長合困菰蘆愁當失路同羸

馬笑指前期似浴鳧膠漆賓朋憎計拙風塵顏面向
人迂閉門掃迹看魚樂且用沉吟倚碧梧

挽徐默菴先生

年來杖履逐天涯目送春雲江上槎生計但栽彭澤
柳宦情閒看邵平瓜豈知臥病回飛鷁忽痛虛堂冷
暮鴉太息向時文酒地傳經珍重屬韋家

舟次無錫

爭愁爲沼遍三吳一望虛疑泛五湖驚彈文鴛棲瀧
木揚帆画鷁亂平蕪見催築埭疲民力漫擬量沙學

鬼輸百萬軍儲南顧重使君今日得愁無

下慧山同黃子穉圭舍弟十經遊鄒氏園

鄒家臺榭枕山丘嘯咏移時境轉幽蒲葦亂荒梅後
雨竹梧涼入晚來秋天連翠岫軒前蠹地瞰明湖檻
外流歌舞異時今寂寞坐令我輩劇淹留

同仲榮遊曹園

舍人池館綠陰肥信步城隅叩板扉鶴影澄潭閒刷
羽竹聲虛院冷侵衣舊嘗遊處披書幌坐爲吟成度
夕暉有酒欲謀河朔飲故園荷芰不須歸

江魚

江魚入饌色如銀步屨江頭日幾巡顧影不愁風浪
惡臨淵只覺眼花頻直因貪餌曾難脫若箇烹鮮絕
有神忽憶劍溪荒圃外歸容把釣任吾真

劉阮到天台不復見諸仙子次唐人韵

桃花流水記猶真一別重來隔世塵那有玉容還伴
客只饒山色自爲隣依稀鷄犬當時路髣髴風光舊
日春欲覓仙蹤誰指示都應閒殺問津人

送旅菴和尚北遊

見說椒園輦道傍高懸佛日侍先皇十季湖海龍
髯淚一棹煙波貝葉裝身似優曇花再現心隨飛錫
路偏長亭亭玉立崑岡石好念蒼松作故鄉

楞伽山望太湖

梵王香界鬱雲中膜拜言看士女同儘有笙歌流洞
壑爲憑杯竦立秋風山光斜影長天碧水色遙吞落
照紅勝地可容吾輩在登臨詞賦幾人雄

同陳胤倩高阮懷鮑子韶朱人遠宋楚鴻飲嚴
顥亭先生宅分得八庚

嚴助承明舊有聲爲勤補闕鳳池輕十季諫草回霄
漢一代文章少抗衡仙掌乍看卿月皎天街向肅夕
郎行公餘好事還盈座檢點新篇起後生

飲郝太宰宅賦謝

當年清譽動楓宸曾奉先皇獎勞頻啓事心懸霄
漢迴憐才座與薜蘿親靜琴花外宜忘暑涼月軒前
屬飲醇公輔只今翹望切可容醉吏辱車茵

柯齋選稿

雲間周綸鷹垂氏著

五言排律

書懷

三秋鴻鴈侶萬里稻粱謀感物嗟何及驚心淚暗流
風期還寂寞雲會自沉浮愁擬張平子時同馬少游
清尊思北海明月憶南樓抱玉無由識懷珠未易投
芙蓉嘗獨摘杜若爲誰幽結客傾元禮論詩過隱侯
興來仍擊筑情竭竟虛舟把釣滄波穩忘機狎海鷗

家書

旅夢何由達征夫只自愁風聲連野樹日色照高樓
塞鴈寒初集哀猿晚更稠爐波千萬里江水一孤舟
路轉懸崖外帆開古渡頭茫茫悲遠客泛泛涉中流
鄉國多離恨琴書已倦遊年華行處改景物望邊浮
感嘆無知己傷心有敝裘豈期吾道廢定不覓封侯

又

壯心無限事獨坐且悲歌不惜風光異其如離別何
繁霜催落葉夕照覆漁簑日極鄉關杳愁深野戍多

山精經晚至木魅向人過繫纜憑松柏牽舟倚薜蘿
將軍頻授鉞戰士日投戈北望羽書急南遊瘴癘和
歲時終汗漫功業幾蹉跎已矣毋嗟及平生馬伏波
同寶汾少楹禹服顓士子武景馭季友飲安士
書齋二十韻

江左論才藻何人第一流通家推孔李結客並應劉
氣岸凌前輩風塵故倦游希時嗟楚製慢世拂吳鉤
辭屈王平子詩齊沈隱侯入林堪把臂假日共登樓
爾汝歌相協金蘭契自投擊壺心益壯蠟屐興還幽

長此懷同澤無令感道周雷陳交獨固李郭譽終收
促坐紛高詠良朋足散愁月華來几席晚照滿林丘
携妓催深酌揚聲靜歛眸粧殘餘婉變曲罷正嬌羞
急管思偏怨繁絃意轉柔袖飄香細細釵墮韻悠悠
佳景寧虛擲華筵強欲留揮毫忘醉態燒燭盡更籌
野寺宵鐘迥嚴城畫角稠芳樽能命侶白雪愧難酬

同禹服安士顓士子武景馭季友飲寶汾齋時

禹服將之新安

日共高陽侶來停白鼻騮主人愛良夜延客醉寒花

密友開三徑披書富五車詩篇追謝眺博物繼張華
並困高飛翮居然處士家巖廊思珥筆霄漢怯乘槎
設醴宜深酌抽毫亦自誇長風驅斷鴈皎月散棲鴉
綠綺傳聲怨青燈照影斜最憐遠遊子揮手卽天涯

繡湄同諸子過飲賦十二韻次和

越山南去路話別歲時淹置驛寧如鄭超羣未及髯
風來燈影亂夜靜月華添俛首嗟彈鋏清標仰織簾
世情驚塞馬我輩穩茅檐吳市人猶漢成都叟姓嚴
懸河方小極側理更分占作者先高詠知音敢戲拈

金蘭能久眷杵臼竟何嫌剛足揮和淚龐眉嘆尉潛
每邀佳客坐頻指酒家帘好信吾生達遲遲報漏籤
戲贈百韻

靚粧思冠趙姝貌佇傾燕爲雨當巫峽凌波信洛川
揚蛾申欸洽比翼願聯翩婉變茱萸幙輕盈玳瑁筵
雕床龍錦爛繡被鳳紋鮮小飲惜騰醉嬌羞困頓眠
勻粧收粉匣含笑顫花鈿照乘光難匹連城價孰專
低身垂葉外微步落花前柳綠晴拈絮榆黃戲摘錢
鶯啼春晝懶燕語夕陽顛西子當何似南威只宛然

雲鬟元綽約霧縠最褊褊蟾影時三五鸞杯斗十千
佳期纔把袂夙喻已忘筌爲設郎官膾同浮吏部船
探鈎驚四座射覆震雙甄嗔罰憎人慣飛觥覺汝賢
風流看欲絕妖冶復誰先下蔡知無此陽城惑有焉
效顰還點黛學步更施鉛坐嘆蒹葭倚堪成管蒯捐
似潘方擲菓如載亦懷甄廣袖紛相妬纖腰畫莫傳
名應標桂闕籍本注芝廬密約憑青鳥層霄望紫輶
觀香遙自至羅郁幸多緣韓掾真逾分周郎敢比肩
娉婷來霧術窈窕歷雲阡綺戶辛壬列羅帷甲乙懸

疎桐分曲徑修竹媚清漣芍藥和風拂芙蓉曉露寒
綠珠稱麗質碧玉正韶年蝶粉飛還看蛛絲斷更牽
天桃初灼灼芳艸乍芊芊薄憾攢眉翠橫陳卸鬢蟬
金鋪邀夜月玉局試春泉幽意文鴛接深盟彩鳳聯
憂寧萱草釋忿豈合歡蠲寶屋臨紈鏡雕籠聚甲煎
緘情調鳳管流盼韻鶖絃舞愛前溪艷歌呈子夜妍
詎辭千里駕那復四愁篇每出乘油壁相逢駐錦韉
驚覓迷去住愉日溢郊鄠俗網從之遣煩襟賴以湔
頓遊玄圃內疑陟閩風巔絳樹玲瓏見青琴髣髴全

踏春行細雨拾翠趁輕煙怱怱神俱逝姍姍眼欲穿
明眸何善昧靨輔果承權解珮將安贈纏頭不受憐
銀箏愁斷續畫屨意回旋泫露良宵發遲風徹曙偏
可嫌人不見詎論坐難堅是謂安而險當茲美且鬢
金飈鳴淅淅石瀨擬濺濺直欲誇羸女天然軼麗娟
珠輝推合浦玉潤必藍田家世金城路嬉遊石柱天
敬亭雲片片秋浦溜涓涓漢帝金爲屋麻姑鐵作鞭
由來依畫戟自小薄雕鋌召客三千履張燈萬億椽
柘枝情擾擾羯鼓恨闐闐拭汗嫺縈策翻身學控弦

幾回馳上駟一發墮飛鳶善服遊通泚瑤姿絕備員
背人長眷眷無語獨拳拳每惜儀容少深虞歲序遷
常時覘放誕不忿就拘攣彩筆工題柱菱歌解扣舷
散懷攜綠綺延賞得芳荃金錯慚阿堵銀壺泥毳毳
都輕華劇相爲厭富兒羶弔影窺鸚鵡啣悽聽杜鵑
炙簧珠綴下整髻畫欄邊蘇小能心結休文任體孱
未須憑皎日迥邁指潛淵晨肇知今似參商恐後愆
去宜留玉舄近訝犯星躔私語唇朱破分曹衣麝連
爭提揚子槩競染謝公箋一顧傾城色千嬌謫世仙

陳思勞想像宋玉費沈研京兆眉應嫉文園病卽痊
賦才矜爛熳詩思類鑿鑿神女憐君寶經生笑伏虔
摧心聲宛轉罷曲涕潺湲尺素千行讀回文五色宣
將乖深黯黯記別正綿綿斷帶還如是分釵忍舍旃
鑑鸞悲自隻河鵲會應填永晝千愁集中宵萬慮駢
覺途猶躑躅塵海漫洄沿證業歸雙樹祛心向八禪
浮生疇間出得笈叩眞詮貝葉書常誤桃根障未悛
豈知天上桂兼有鉢中蓮他日從雙禮看余是僮佺

寄安士

袞袞誰堪論生涯爾共之青山容笑傲白日坐遷移
縱酒元違俗逢人嬾賦詩蒼茫悲喜集浩蕩古今期
萍泛曾何賴書傳獨繫思漫矜鸚鵡賦不奪鳳凰池
淮楚浮雲接江潭返照遲客程愁作伴遠別憶多時
此去淹遊屐相於把釣絲陳登雄氣槩枚叔擅文詞
或者名賢地居然紀勝資幾回誇麗藻欲待話東籬

閉戶

閉戶此岑寂悠然啓道心無錢賒玉薤觸興理瑤琴
白社交遊在青門歲月深五噫長伏跡三徑獨披襟

露重沾蘭砌風清襲桂林居然塵境裏那復世情侵
西舍高人笛東隣少婦砧不眠愁皓腕欹枕愧知音
天地嗟枚馬煙霞老向禽放懷何突兀命侶幾招尋
熠燿成空熠蜉蝣感寸陰九迴徒轉側萬事付銷沉

有寄

何許最關情涼宵蝶夢驚雕床人獨自冰筆記分明
日昔歡娛地相於物候更桺宜新雨碧花趁曉風清
冉冉凌波現姍姍入掌輕畫橋春駐馬綺閣書聞鶯
促坐千嬌奪回眸百媚呈貪看翹袖舞愛聽繞梁聲

西子元殊衆東隣浪得名殷勤調錦瑟哀怨付銀箏
數有高陽會渾疑不夜城深杯浮桂醕泥醉據桃笙
可但憐交甫居然揖智瓊鬢蟬香一簇釵鳳玉雙成
妖冶能傾國疎狂且析醒謂余長旦旦憶爾漫卿卿
卓女幽懷結潘郎別緒縈緘書期蚤暮欲達見懸旌
與賡明

陳生湖海士豪氣未全除學道期通隱忘機尚著書
煙霞隨翰墨花柳伴簪裾翠笋浮醴醪瑤盤膾鯉魚
幽尋元亮徑好事子雲廬皎月思開府涼飈感婕妤
青萍終拂拭紫燕且躊躇有客談無始何心賦子虛
論交長契濶話別坐相於屈指真同調縈愁奈素居
倦游徒汗漫歸計溷樵漁此日欣良會還驚判袂初

奉謝張二遠先生二十韻

今代開基日名臣翊運年蕭曹元間出寇鄧偉爭先
六月看飛翥三冬會著鞭地猶豐沛近天錫甫申賢
紫極承恩早黃樞屬望偏訐謨宜鼎鼐功德在旬宣
螭陛分符後熊軒拜命專百城河潤遠四野頌聲傳
正直嘗懸果清高厲酌泉風謠方欲變鈎距亦深憐

井賦期難待蒼生力未前兒寬相假貨王真愧鷹鷂
選暇乘青翰行春跨錦鞵詩才誇獨步文采孰隨肩
蒲柳韶光遍菰蘆歲序遷無媒託霄漢有造荷陶甄
每預南州榻還同北海筵獻酬頻授簡倡和學懷鉛
問字嚴師禮談經弟子員空羣邀一顧李郭儼神仙
賦別友人二十韻

端居憐涸轍賦別更何之忽忽意中事悠悠肆上兒
笑啼真獨慣顏面向誰施契託渾猶昨交新敢浪期
佐雖爭及食落釜欲成糜失路長如是謀身竟若爲

越阡還度陌嘯侶轉羈雌袞袞垂朱紱雍雍上玉墀
才華元不逮時命本多岐野外同樵唱江邊把釣絲
得從遊屐穩那辦買山資風物看應在流年去欲辭
青雲欺老醜白髮逼茅茨索悟無生理因資達士規
俗塵深染習世態重猜疑貴賤隨朝槿炎涼類奕碁
暫收和氏淚翻作雍門悲天地容疎拙詩書付渴飢
假因彈鋏往便信力桑遲多恐狂奴疾銜愁發此詞

張忍齋先生祖德堂成屬賦二十韻

張翰秋風思高名史冊間先生須接武初服早求還

臥轍誇畱犢行軒望賜環使君情戀戀祖道涕潸潸
九驛回旌蓋千岩擁翠鬟暫食鵝闕美且遂鹿門閒
堂構追遺愛榛蕪爲盡刪何如魏公笏併屬謝家山
彷彿精靈聚酸辛定省艱百年論舊德萬事在人寰
啓後光彌燭繩前業並攀相邀方外侶都忘殿中班
燕玉深知舞吳歛亦解顏朱英看爛熳碧水聽潺湲
服食期仙客嬉遊狹市闌擎杯楓葉暮載月蓼花灣
出處安時會篇章實飽嫺投竿魚撥刺枕石鳥綿蠻
幽寄拋紅豆長歌棹白綸居然駐丘壑恐有鶴書頒

藹士仲堪家成子兄同泛舟抵山園信宿別去
秋月涼初應乘閒有數公儘宜遊屐往恰與野航同
把釣情俱逸高吟興不窮水浮津樹綠日下遠山紅
坐覺塵氛斷心將火宅空棹移蓮葉上人駐藕花中
歸及昏鴉候言看暮靄通藥欄隨點檢書幌任朦朧
燃燭唯須飲飛觥爾許雄升沉還塞馬去任亦冥鴻
得共歡娛地寧教禮法攻相忘誰是主相嘆幾成翁
生世眞漂梗知音已爨桐便應規過隙無復事雕蟲
飯煮收香稻羹調進晚菘乾坤吾輩在珍重忽西東

代書寄顧霍南二十韻

及歸一言別轉憶旅人時仲夏連僧舍君山共酒卮
乾坤終浩蕩歲月自奔馳底事愁如許相看鬢已絲
力困還隕獲舊侶各羈雌無分青冥上居然白眼隨
途窮流俗似株守老翁爲每羨飛騰速行嗟蹇厄遲
雲霄三太息翰墨幾題詩顧子真同病周生本數奇
何當推作者若爾竟奚辭文采云誰勝丹青亦可師
坐安丘壑地不謂棟梁期賤覺雷陳固交深管鮑知
天涯傷按劔生世忍低眉已矣龍蛇怨終焉服豫詞
幸存申感激儻許顧茆茨桂蕊先秋實蓮房過暑垂
山厨足鷄黍村釀具槃匱吟望空搔首因聲慰夢思
單太夫人挽詩

比婺顏靈曜方娥隕素輝九天鸞馭杳三島鳳笙違
毋範詒彤管音徽徹紫微相夫膺翟茀啓後滿牙緋
一德傳青史千春戲綵衣豈期雙樹下頓悟幻緣歸
誥冊光泉壤哀榮出帝畿近推鍾與郝不羨古人稀
同三錫遊西庵極郊而返

獨坐轉無聊幽尋豈憚遙閒憑雙屐在多赴十方寮

詩句吟殘日茶煙汲暮潮杖頭隨步履物外足昏朝
更往郊原去還過舊館邀市門斜臥柳酒肆曲通橋
照水看鴻影開軒引鳳簫盤餐差入饌杯酒漫相招
客到林爲竹神清夢是蕉我何所滯物色與俱超

仲榮餉酒占謝

可羨酒如澠羈愁消未能身爲倦遊客心似住山僧
多暇頻呼盞無聊幸得朋丹霄看偃蹇白日仰騫騰
失路人長鄙先容價倍增老逾悲伏櫪壯豈分搏鵬
正爾勞斟酌於馬廢寢興深杯酬綠蟻匝地晒青蠅

復雨書懷

不絕雨纖纖回風動濕簾薄遊存憊澹寄跡混閭閻
敢道詩能擅奚堪氣若炎向人唯中酒觸興卽分占
書讀還從借箋殘任更添滌澗一江水夢寐九峯尖
服食延蒲柳懷才望杞柂着鞭追祖述把菊且陶潛
浪許騷壇匹寧輸藝事兼五車胸遠媿八斗步猶謙
萍泛波先涸蓬飄地早粘未愁多道路行矣乏鍼砭
拙劣看都似疎狂俗每嫌漫於交態薄直怖世情銛
生計賈油素專家等織縑儼居吟正熟墨突恐難黔

秋夜步月分得新字

秋至涼飈應蕭蕭夜襲人愛看頭上月那染道傷塵
良友閒相命狂歌意倍親都無三日醒賸有百年身
與作高陽侶須知樂聖真鳥飛還遠匝兔影欲摧輪
冉冉流光駛遲遲物候新天心高莫問世態寂傷神
老我安山館全生穩釣緡路岐休洒泣向曉爲誰陳
櫟夫過談因及壽王西臨兩叔愴焉係之賦示

三十韻

之子論交久相違歷幾霜早嘗同藝獵老益到詩狂
把臂人如昨驚看鬢各蒼君誠追北郭我合企東岡
麋鹿情元放松筠意正長晉天誇陸海匝地詡曹墻
瓌瓌陪餘論依依仰末光林泉嗔欲絕軒蓋逐成行
塞馬知俱幻醞鷄笑自張浮沈歸運命物化異滄桑
大阮風流在當年翰墨揚山花時載筆檻月共飛觴
偉矣平輿似俄馬雙劔藏應劉嗟早世庾鮑孰升堂
廢館縈青蘚荒原斷白楊痛心朋舊賸縷述弟昆詳
得喪深經閱榮枯更付量殘編隨唾罵莠管漫回翔
直訝金聲振殊無酒債償向前追下駟身外即迷陽

已是甘趨走終難與頡頏退思垂釣穩進覺問途忙
三徑容余步千岩作醉鄉坐宜荷氣逼臥愛竹陰涼
疎懶真爲性逢迎術易忘暇仍驅欸段間或汎滄浪
鱸膾鮮投筍蓴絲滑取嘗携柑聽不厭蠟屐興能將
蛛隱堪求侶鷓棲怯遠颺比當叢桂發萬一過鳴榔

謝楚江顧赤方十韻

避跡愚公谷忘機海上鷗一尊成故物萬卷學前修
籬菊宜秋把山光刺眼浮何期蘭榭發忽枉華門留
汗漫來佳客琳瑯擬獻酬君才追屈宋我業媿應劉
天地供人拙文章辱自謀老於知己澹窮向昔賢求
慎矣行藏意吁哉書劍遊勞歌相和起欲別迴含愁

哭峽文十二韻

忽忽一年別天何喪此人高文元邁俗獨行轉無倫
白社名雖重青氈老愈貧崎嶇才未達摧折鬼爲鄰
豈意驪歌送俄然馬鬣新遺篇誰見問賚志痛難申
宿草看還淚生芻我更陳啼鳥聲斷續弔鶴下逡巡
訊汝嚴親在憐渠弱息屯敬通長薄命伯道益沾巾
形影歸泉壤聲華付劫塵范張情不淺終古欲傷神

贈趙山子兼謝見貽新詩十韵

吳江才信美之子世應稀文采看無敵騷壇衆所歸
青箱家學重白社壯心違名久登天府身猶應少微
風塵摧鬢髮日月戀庭闈蚤覺靈光峙還推鳳翮飛
捷誇曹子建清比謝元暉旅次君山接相逢館舍依
登仙期李郭佩教等弦韋忽枉瑤華贈多慙問陸機

奉贈仲榮先生十韵

七十年過一如君老倍強著書銷翰墨服食走風霜
朋輩看星散孫枝接雁行尙能誇勝具隨在速行裝

幽意耽泉石雄心委醉鄉飽推文字癖貧類力田荒
好事延蓬戶傳經擁筆牀三車僧共演四始義俱長
每記清言發都教俗慮忘惠存纔卽次別緒語難詳

奉柬王玠右名世兩先生十二韻

海岱推清士平輿晦二龍避喧忘禮俗好事仰君宗
名德埒篋洽高文簡策重易占安碩果書讀嗜明農
曲徑來油素潛身掛短筇堯心殊未達石戶肯相從
安步齊顏觸攜柑挹戴顛媿余違几席長自企雲松
卒卒成疵贅棲棲逐賃春一身輕落羽萬念覺晨鐘

矯首淹雙屐緘書隔九峯儻因禽向意惠許託仙蹤
奉謝姜定菴先生二十二韵

東南標水鏡夫子冠人倫累葉皆傳集曾霄蚤致身
舊稱通德里近屬鑑湖濱甲第連雲矗高軒候曉屯
紀羣魚素雜元愷鳳毛新藝苑輸宗匠名流企後塵
登龍懷宿昔窺豹辱咨詢丹陛勤封事黃門數戇臣
伏蒲誠感激折檻望嶙峋直欲齊青史因能動紫宸
得君無闕補憂盛諫書頻簡在唯忠鯁遷除仰國均
宣麻槐鼎重治劇股肱親京兆需才日清卿取次辰

諸生通款洽問字悉陶甄我依京輦難言托雅馴
吹噓榮傲帚顧盼足陽春每濫公餘讌嘗誇席上珍
世交申孔李古道出雷陳惠訊歸田父澗嗟載石貧
避喧三徑草命侶九秋蓴賤走叨推分多應忘涸鱗
同郁永豐子弁赴柯黃門岸初先生席

黃門逾十載伏闕累封章臣職輸忠鯁天心作棟梁
經傳韋氏貴材許謝庭昌雲路看鵬鷲卑棲媿頡頏
退朝紛授簡好事與升堂澗酌浮新綠高槐蔭淺黃
殷勤孔李客拂拭芰荷裝遠送雙鳧鳥靈臺感鬢蒼

柯齋選稿

雲間周綸鷹垂氏著

五言絕句

遠道吟

一自辭鄉曲
頻年不覺春
傷心邊塞月
空照玉樓人
卽事

上相初辭疾
門前車馬稀
不知舊巢燕
何事亦高飛
古意

大澤多陰風
孤雲天際飛
遠道非故土
思心欲何依

又

依依相送時攀折楊柳枝但願歸期早應憐去路遲

青樓曲

郎住烏衣巷儂家桃葉渡孤蓬各自飛只隔秦淮路

春暮

執手送君時淚盡傷離別不知春是非但覺音書絕

山房雜咏八首

眺閣

高閣臨清流凭欄聊騁望悠然窗外山飛鳥日相向

皆響廊

寂寥無人聲徘徊經行處亭亭隔墻松迎風吹不去

釣磯

獨坐人不知綠楊高百尺游魚着釣竿得魚立危石

叢桂

欲往南澗去懶向南澗歸叢桂少行徑香風襲人衣

寶樹庵

庭中有奇樹綠葉盖比隣上巢反哺鳥朝暮實自親

碧流廊

涓涓碧流水曲曲朱欄下水流不計年人生自春夏

桐花閣

池邊碧梧枝蔭映紅樓上池中採蓮花葉葉微波漾

貯雲洞

春至花爭開花落人還在年年花落時白雲長不改

閨怨

却憶送郎時郎行不得語秋風吹五兩江程在何處

又

夜夜鳴蜩歇深閨望明月起坐悵無聊獨對月光沒

古意

送郎出門去鉛華不復施朝來對明鏡形影別經時

又

憶與郎別時携手垂楊下那能繫郎心忘却繫郎馬

又

妾身覺薄寒札札當窓織憶郎寄新衣如何斷音息

又

種桃三四株早得春風力燉爛綺窓前猶是可憐色

古詞

家住錢唐口門對錢唐潮錢唐潮有信憶郎歸路遙

又

竹色寒更碧花色雨更鮮不惜一時好花落誰復憐

又

郎去乘舸去郎歸乘舸歸朝朝江上路春柳拂征衣

又

山山碧如染樹樹流鶯新春風別有意愁殺畫眉人

晚泊

繫纜正斜陽晴湖接混茫未諳漁者意不敢問滄浪

泛月

乘月下南浦隨風直到家門前數株柳驚起夜栖鴉

放船

夜月天連水舟行并是空前村疑有着漁火一燈紅

憶山中

聞道山中桂當秋恰盛開故園一別久搖落漫增哀

自遣

對酒且自酌空庭無四隣悠然獨往意明月最相親

絕句

已覺秋月好復聞秋聲悲蛾眉儻記憶蕉萃幽窓時
雜詩

渺渺晴湖月分光湖上樓開窓望天末消息意中愁
秋夜

獨有幽興在能忘遲暮悲相思對秋月相照影參差
食芫

食芫適野性藜藿自相親下箸同兼味無容擬獻人
百里

津樹垂垂合村煙脉脉斜鄉心雙漿急百里卽天涯
瓶桂

阿誰種丹桂曲房香氣侵殷勤折相贈何似月中尋
君山

日踏君山巔一江橫眼前春申何處所墓木鎖寒煙
復雨

稍覺天能霽還愁路不通熟聽欹枕過一一寸心中
大如上人訂余明日野步置酒

白鳥白於雪霜林紅欲然一生幾兩屐乘興數能前
又

那醉聲聞酒還過香積厨數峯青自好遲我一愁無

旅吟

欲識山居意池荷嬌止開不知清影照若箇逐涼來

又

小閣攤書帙林梢納兩峯思深江檻望貌得碧芙蓉

中秋對月

十五團圓月清輝兩地看寄情丹桂樹莫放一枝殘

山中寄旅公

遙知禪誦處清籟自相答幾片白雲生蒼蒼祇樹合

揚子灣夜泊

莽莽天涯路纔過揚子灣揚州好風月一枕夢俱閒

淮陰黃大宗畱憇不得

好友三年別新篇張我儕恠來風力緊空羨酒如淮

七級守闌同石帆永瞻左平十經飲翟氏

門巷梨花內人家紅杏邊愛閒隨步屨風物認江天

又

翟老能延客相逢意緒親開樽好堅坐鷄黍見天真

晚次半邊店

風霾黯無色投晚客荒村彈指春明路看人欲斷魂
四女寺

四女名從漢丹成併上仙當年奉翁姬常得白頭前

又

懸弧嗟有志萍泛竟何成不及淡閨女真隨膝下行
道路憶林定遠園居

坐君梅花觀別君梅花初詩思高齋得多應遜不如

次津門

浩浩朝宗水茫茫挾策身天津疑有路愁煞舊征塵

楊村同石帆左平陸行

候曉出聯騎月光盈我衣揚鞭試笑問那得吝清暉

客中寄訊蘿軒

段橋橋外路高柳拂芙蓉計日君應到秋風好著書

柯齋選稿

雲間周綸鷹垂氏著

七言絕句

少年行

醉拂春風上玉鞍
當罏小婦坐相看
楊花飄蕩知何處
莫更悲歌行路難

塞上曲

黃沙積裏風蕭蕭
青海城邊狐兔驕
十年百戰甲未解
何時復見咸陽橋

秋空萬里秋雲飛欲行不行心依依酌酒岐路不盡
意信馬士去何時歸

昨夜輕寒獨自憐不知夫婿在誰邊多情最是雲端
月依舊窗中照妾眠

甲午除夕同搗謙作

今年除夕在長安守歲題詩漏未闌幾處笙歌喧夜
飲不知若箇朔風寒

又

故人相別幾何時
折取梅花音信遲
明日春風空自
憶河橋楊柳動新枝

又

憔悴荆庭獻璧人
風塵搖落竟誰親
尊前莫問一年
事我意松筠道不貧

又

醉飲綠酒斗十千
笑指壺頭沽酒錢
今夕但能擗一
醉不知明日是明年

除夕閨怨

殘宵又是接芳辰夫婿南行幾度春
獨倚樓頭看不見一天萬里異鄉人

除夕宮怨

深宮夜靜漏聲長
檢點新衣珠翠香
哀怨更從來日始教人一倍憶君王

又

當年別殿奉君恩
曾預前行近至尊
一失雲霄勞夢寐
幾年空自老長門

艷體

綠陰深處繞鶯啼
倚遍闌干落日低
無限愁思人不見
却憐遲步入空閨

題綠柳長廊

柳絲千樹帶輕煙
搖曳東風古道邊
無限傷心莫攀折
年年春色有誰憐

雜詩

楊柳枝枝拂短牆
桃花片片落橫塘
江亭極目情無限
偏是征夫路渺茫

經年消息望中賒誰道郎行不憶家
獨坐深閨門晝掩却臨青鏡細簪花

又
沉沉夜漏暗生愁夫婿從軍萬里遊
自是朱顏易憔悴洞房空鎖月華流

又
畫樓曲曲倚闌干日斷征鴻江上灘
人在天涯更何處可憐羅袖怯春寒

聞笛

風吹江水水東流煙雨空濛繫釣舟
忽聽笛聲腸欲斷不知何地更悲秋

戲贈桐月未華

懶學濃粧粉黛勻依依弱柳不勝春
東風撩亂無情極一任青絲染路塵

又

三五盈盈素指柔佞人斜挽玉搔頭
殷勤重理尊前語一擲橫波一段愁

初月娟娟相送時
風前背立怯腰支
陳王只憶凌波步
不獨人間有別離

又 端風悼亡賦八絕句

綺閣沉沉日色斜
玉窓無復照菱花
紅顏一去黃墟隔
腸斷潘郎鬢未華

又 抗邽窓前連理枝
不堪比翼竟差池
洞房寂寞應無

夢十二巫峯十二時

又

臨訣依依珠淚傾
萬千欲語更吞聲
須知無限傷心句
負殺人間孫子荆

又

蘭薰不道早應摧
一死空留玉鏡臺
儻憶如花天半落
陰雲片片逐愁來

又

翠袖娟娟逝莫回
神傷奉倩倍堪哀
鴛鴦自愛雙棲慣
儻得姍姍繡幄開

又
霧鬢雲鬟京兆眉生平彷彿只增悲開箱紈扇渾如
舊畫得乘鸞付阿誰

又
夢迴應得念生前起坐無聊費甲煎莫忘故人工織
素粧臺塵掩只年年

安士賓士景脩餞別

楊柳青青低拂潮津頭遠送木蘭橈殷勤欲語渾難
語別恨深憑泥醉銷

又

問程幾度富春山分袂相期首夏還此去只看今夜
月清光一半是鄉關

題主人壁

啼鳥啞啞日將斜重向錢唐舊王家一望江帆摧白
浪好留風力送浮槎

縉雲道中

身輕蟬翼徑梯霞天宇看從翠嶺斜只在蒼茫雲霧
裏山山紅映杜鵑花

同諸子過安士飲

高堂置酒送斜暉十五吳姬艷舞衣一片秋聲天際
落醉來齊踏月明歸

戲贈八

望邊南北兩峯高月落芳樽醉態豪愛殺當筵歌一
曲何人說得鄭櫻桃

江行

燕子磯頭月色寒輕舟不駐淚闌干十年挾策空奔
走少小安知失路難

又

片帆月白掛秋風江路茫茫浸遠空行向金山看佛
火一燈只在亂流中

泛泛

泛泛輕舟遠岫青朔風欲暮雨冥冥嗣宗賸有窮途
淚不向人間問醉醒

遲永叔不至

一別秋風二月初終然垂翅竟何如抗梅亦有南來
使姓氏相憐願寄書

侯大年索和催粧詩

珍重前身夢綠華
盈盈來自列仙家
夢回粧束渾無力
笑盡人間桃李花

口號

老去寧論生計違
一瓊長似泣牛衣
燒殘筆硯無顏色
落日蕭條獨掩扉

咏垂絲海棠六首次六益韻

一樹繁花夕照中
天然麗質鬪輕紅
姍姍翠縷渾難定
絕似雲舟漾晚風

又

靈和殿柳碧絲絲
張緒風流擅一時
試向花前相比
並斷菟春色醉來遲

又

繡被雕床翡翠幃
博山細細篆煙飛
粧成出戶嬌無力
畫屐聲中花骨衣

又

粉蝶飛飛過短墻
花枝冉冉得新粧
折腰翹袖看都似
重與低吟度夕陽

又

玉瘦花啼卸翠翹東風不管亂紅綃石家房老何須
妬二八盈盈正楚腰

又

淡淡微紅惜暮寒遷延無力拂雕闌上林種得同心
李何似當軒倚醉看

夜歸寓閣

一棹旗亭買醉歸夜涼山寺款荆扉絕憐短簿祠邊
月此際清光照客衣

真娘墓

塵消粧粉漫招魂業海生天鎖寺門千載玉容何處

所梅花疎影月黃昏

墓傳梅
花樓北

題畫

鳳凰山下古農家當戶澄潭蕩日華翠竹數竿看不
厭黃鸝飛過一枝斜

夜

一聲漁唱蓼花灣放艇還登江上山夜半夢回身是
客不知沉醉翠微間

客中送安士

客舍寒窓好夢遲一尊且復細論詩曉來風急征帆
便又值天涯揮手時

漫代

朧朧月色逗窓紗指點窓前旅雁斜在世好連長命
縷不教塵掩鏡中花

閶門夜泊

金昌城外夜經過一曲新聲喚柰何画舫高燈相次
散照人初月逗清波

秋試後舟行口號

夜雨瀟瀟倚短篷客行無恙對秋風絕憐幾度丹陽
道回首生涯一夢中

寄子武季友

問誰相對只雙厓世事無端又入懷回首十年桃葉
渡添將愁思落秦淮

絕句

三吳種桑獨木綿婦姑勤織男力田賣得幾多新樣
布又問軍中子母錢

又
出東門外數名園十五年前一叩門木石無情還擇
主幾人能說顧家存

又
高軒駿馬盛開筵恠底誰家姓氏傳向日乞人今日
富紫標黃榜在官錢

又
夜飲顧仲堪西舍同陳萬士
秋菊離離映酒卮主人醉客爲題詩芙蓉只在南窓
外夜雨開殘更幾枝

又
酌醴焚枯屬隱淪倦飛六翮漫逡巡座中豪氣元龍
在同病相憐十上秦

代書與舍弟十經

少小抽毫老蠹魚閒來自愛水雲居平原村在機山
下身賤曾無入洛書

寄子武季友

冷落床頭滿架書竹林斜日影窓虛離愁千萬時伸
紙好念天涯正索居

又
春來花發共開樽
二仲新詩與細論
今日夕陽更西
望緣隄空長舊潮痕

顓士納姬

佳人十五鬪新粧
贏得歡前語笑香
一半溫柔半佻
脫佯籠纖指撲鴛鴦

又

午夢醒來風力顛
愛花先護金頭蓮
唇朱一笑櫻桃
破檢點殘粧約鬢蟬

又

涼生冰簟早宜秋
桂影依依乍入樓
何事穿針齊乞
巧惱人一夜鵲橋收

泛泖

九峰澄翠望來同
一葉孤舟萬頃中
人世漫隨沙際
鳥不知身到水晶宮

百花洲夜步月

曉辭天馬暮吳洲
十尺蒲帆縱去留
搖蕩客心無住
著醉看新月聽笙篴

題僧舍

客裏悲秋倍自秋，幾家池館記同遊。
閒來一向空門步，萬籟無聲落葉稠。

客中行

照眼黃花一徑通，強將愁緒立秋風。
無因得向花前去，脉脉高天看轉蓬。

客中送陳子仁歸金華

君去錢塘東復東，我來送客思何窮。
遙看一片斜陽影，獨照歸帆趁便風。

立冬夜漸茲攜酒見過

有客提壺爲盡觴，坐來旅舍頓輝光。
朔風一夕天能短，較取人情爾許長。

送景脩先歸

我來久滯豎陽城，客裡相逢眼倍明。
今日送君回棹去，鄉書欲寄嬾無情。

江頭絕句

江濤湧出是君山，瓜步煙迷揚子灣。
借問長年風色便，欲憑片席畫圖間。

無寐

擁被瀟瀟夜雨寒
夢歸無寐欲更殘
吟成骨肉尋思
遍燒燭呼僮紙上看

獨酌對雨

今日雨思昨日晴
乍冬天氣不分明
一尊亦是無情
物解取昏昏忘客程

虎丘

九龍東去虎丘南
一路揚帆風力貪
行過半塘回首
望山腰紅樹出於藍

夜泊閶門

酒傾獨客易昏昏
廢飲無聊欲斷魂
睡去管弦聲漸
遠依稀識得到閶門

憶山居

方塘菡萏看來遲
却又蒲帆別幾時
爲語西風漫狼
籍夢回依約坐題詩

又

近移蜀柳碧成灣
醉愛漁磯任獨頑
何許塵中堪妬
絕日長無事只看山

芭蕉

手種芭蕉卷樣書
小窗柔綠對閒居
問伊底事心如
結故向人前不敢舒

晚經沅州抵鸞庄

行過沅水日西斜
廿里鵝庄走濁沙
却愛青青楊柳
路牧人鞭犢戴梨花

向山書屋圖爲山陽黃大宗題

東湖如畫入君詩
髣髴扁舟菡萏時
公子愛閒詞藻
發到來郎第口臨池

又

煙巒簇處鳳城西
殘客過從此路迷
羨煞高吟長在
望繪將書閣傲林棲

又

方塘弱柳碧氍氍
景物江鄉得二三
攤帙最誇朝爽
對著鞭無那怕朝參

哭董文友

憶在陳生百尺樓
相逢日日醉觥籌
萬千懷抱一衫
盡君更泉臺淚欲流

晚宿山居

槳聲幽軋碧波平一片山光趁晚晴直到梅花最深處小樓高臥聽吹笙

小赤壁爲陳園汶題閣

新築丹樓對碧山夕陽影裏一僧閒主人家住干將麓愛客移尊日往還

書齋小集賦贈女郎鶯初

狂來只合醉鄉遊贏得新妝似莫愁假意向人佯不語回頭爭看眼波秋

又

三五妖嬈認昔時探鈎百罰詎能辭座客有言輕盈點慧大似桐月燈前重與端相著髣髴姍姍出幄遲

又

少小鶯花老未知燒殘絳蠟更題詩柳腰一捻纔盈把記取東風莫浪吹

崑遠禹服席女郎湘煙鶯初在坐和季友五絕

歷歷高陽舊酒徒幾人猶在極歌呼世情縱似雷陳好不及當前餉一壺

又
干將山下一漁磯日日看山少是非爲報故人能醉
我棹頭東去破帆飛

又
榻來綺席坐忘歸沈醉前楹月滿衣彈指十年成一
笑爲誰淪落鬪輕肥

又
高燒紅燭照朱顏宕漾花光卸翠鬟伴得閒愁千萬
種頓教心事爲君刪

又
殷勤醉後寫烏絲難得王郎絕妙辭十五月圓當此
夜一雙來到影娥池

築田謠
雨足森森天倒翻白波渺渺浸雲根傳催木石官符
急難得招來精衛冤

又
萬戶蒼茫委急流坐談井賦檄書稠野人大有輸將
策不稅青苗稅白鷗

又
篷窗欹枕棹謳初一幅瀟湘畫不如恠底人傳使君
好幾家學得釜生魚

又
煙雨迷離獨咏詩桔槔聲裏竹枝詞桑田滄海教誰
塞不及公庭有漏卮

白隄日號

登登山路日沉西愛聽吳趨踏大隄隄上碑題千百
字韓公爭與白公齊

又

繡簾高捲發清謳幾簇遊人爲泛舟一片水光無住
著蘭風吹上玉搔頭

又

趁涼女伴柳邊迷新樣金蓮印紫泥好是天公閒不
管晚晴留得稱詩題

又

酒樓花市鎖相隨看遍街頭放艇遲乘興更尋幽獨
去波紋堆起碧琉璃

慧泉

澗水高從一線懸
晚涼我欲枕流眠
世人難識中泠味
何用長居第二泉

贈陳集生

蘭陵陳生逆旅中
手携詩卷逐飄蓬
故人一別十年外
猶是青瑣嘆路窮

客中雜感醉次子武韻

細雨瀟瀟揜月華
旅吟閒殺暮棲鴉
鄉心合在深閨裏
貪看池邊並蒂花

又

若爲萍梗在天涯
與爾高談思轉賒
笑指酒壚看醉態
儒冠老却任欹斜

江陰與成傳分道言別兼寄虞功

燕市悲歌數往還
對君岐路鬢都班
只今分手蓉江上
明到虞山隔惠山

又

伏櫪曾無一顧恩
壯心回首各消魂
寄聲癡愴應相念
最爾凌雲動至尊

送筠士上人入堯峯尋師

破帆西向禮堯峯
證却人間萬慮慵
面壁到時君解
取太湖不斷碧芙蓉

鄭家口晚泊東文淵

梨花漠漠柳毵毵
李白桃紅景物酣
爲問鄰舟鄉思
客可曾貌得大江南

海棠院同李寅谷作

三年一到慈仁寺
風景依然逐看花
賸有海棠深院
在落英無數委泥沙

王阮亭先生屬題抱琴洗桐圖

瑯琊清譽重人寰
作吏爭傳載石還
高比龍門桐百
尺綸巾羽扇畫圖間

又

高山流水憶公年
清露新桐意渺然
媿我通門勤倒
屣劇從爨後得人憐

送電發

送君歸棹向錢塘
爲愛千山護筆床
到日西湖霜月
好照人秋思滿江鄉

同掌公送雪客次韻

布帆南壓潞河流
知爾高堂念白頭
計日綵衣拜家
慶開樽好醉蔣山秋

孤懷空對好詩人

又

又餘中休有

海濱前曾重人

王列直



